



沈隱侯集卷之二

樂府

日出東南隅行

朝日出邯鄲照我叢臺端中有傾城豔顧景織
羅紈延軀似織約遺視若回瀾瑤裝映層綺金
服炫雕欒幸有同匡好西仕服秦官寶劔垂玉
貝汗馬飾金鞍縈場類轉雪逸控寫一作騰鸞
羅衣夕解帶玉釵暮垂冠



昭君辭

朝發披香殿夕濟汾陰河於茲懷九逝一作自
此斂雙蛾沾糝疑湛露繞臆狀流波日見奔沙
起稍覺轉蓬多胡風犯肌骨非直傷綺羅銜涕
試南望關山鬱嵯峨始作陽春曲終成苦寒歌
唯有三五夜明月暫經過

長歌行

連連丘壑改微微市朝變來功孛往迹莫武徂
升彥局塗頓遠策畱懽恨奔箭拊戚狀驚瀾循
休擬回電歲去芳願違年來苦心薦春貌既移

紅秋林豈停蒨一倍茂陵道寔思栢梁宴長戢
兔園情永別金華殿聲微無惑簡丹青有餘絢
幽籥且未調無使長歌勸

同前

春隰萋綠柳寒墀積皓雪依依往紀盈霏霏來
思結思結纏歲宴曾是掩初節初節曾不掩浮
榮逐弦缺弦缺更圓合浮榮永沈滅色隨夏蓮
變態與秋霜耄道迫無異期賢愚有同絕銜恨
豈云忘天道無甄別功名識所職竹帛尋推裂

沙隱角集 卷二
生外苟難尋坐為長歎設

君子行

良御惑燕楚妙察亂澠淄隄傾由漏壤垣隙自
危基囂途或妄踐黨義勿輕持

從軍行

惜哉征夫子憂恨良獨多浮天出鯤海束馬渡
交河雪縈九折嶮風卷萬里波維舟霖夕島秣
驥乏平莎陵濤富驚沫援木闕垂蘿江颶一作紅颶
鳴壘嶼流雲照層阿玄埃晦朔馬白日照吳戈

寢興動征怨寤寐起還歌晨裝豈輟警夕壘詎
淹和苦哉遠征人悲矣將如何

豫章行

燕陵平而遠易河清且駛一見塵波阻臨途引
征思雙劍凌匣同孤鸞悲影異宴言誠易暮清
歌信難嗣卧聞夕鐘急坐閱朝允亟往歡墜壯
心來戚滿衰志徂芳無再馥淪灰定還熾夏臺
尚可忘榮辱亦奚事愧微曠士節徒感鄙生餌
勞哉納辰和地遠託聲寄

相逢狹路間

相逢洛陽道繫聲流水車路逢輕薄子竚立問
君家君家誠易知易知復易憶龍馬滿街衢飛
蓋交門側大子萬戶侯中子飛而食小子始從
官朝夕溫省直三子俱入門赫奕多羽翼若若
青組紆煙煙金璫色大婦遶梁謔中婦迴文織
小婦獨無事閉門聊且卽綠綺試一彈玄鶴方
鼓翼

長安有狹表行

青槐金陵陌丹轂貴遊士方駿萬乘臣炫服千
金子咸陽不足稱臨淄孰能擬

三嬋豔

大嬋掃玉墀

樂府作拂玉匣

中嬋結羅帷小嬋獨無事

對鏡理蛾眉良人且安臥夜長方自私

江籬生幽渚

一作塘上行

澤蘭被荒徑孤芳豈自通幸逢瑤池曠得與金
芝叢朝承紫臺露夕潤綠池風旣美脩嫿女復
悅繁華童夙管玉霜滿旦暮翠條空葉飄儲胥

右芳歇露寒東紀化尚盈昊俗志信積隆財殫
交易絕華落愛難終所惜改驩眇豈恨逐征蓬
願回昭陽景持照長門宮

却東西門行

驅馬城西阿遙眊想京闕望極煙原盡地遠山
河沒搖裝非短晨還歌豈明發脩服悵邊羈瞻
途眇鄉謁馳益轉徂龍回星引奔月樂去衰鏡
滿悲來壯心歇歲華委徂顏年霜移暮髮辰物
久侵晏一作尋征思坐淪越清氛掩行夢憂原盪

瀛渤一念起關山千里顧丘窟

飲馬長城窟

介馬渡龍堆塗縈馬屢迴前訪昌海驛雜種寇
輪臺旌幕卷煙雨徒御犯冰埃闕

青青河畔草

漠漠牀上塵心中憶故人故人不可憶中夜長
歎息歎息想容儀不言長別離別離稍已久空
牀寄杯酒

梁甫吟

龍駕有馳策日御無停陰星籥亟迴變氣化坐

盈侵寒光稍眇眇秋塞一作色日沈沈高牕及餘

火傾河駕騰參颺風折暮草驚籜一作竿霄層林

時雲集作雨靄空遠淵水結清深奔樞豈易紐珠

庭不可臨懷仁每多意履順訊能禁露清一唯

促緩志且移心哀歌步梁甫歎絕有遺音火大火心

也星

君子有所思行

晨策終南首顧望咸陽川戚里遡層闕甲館負

崇軒複塗希紫閣重臺擬望仙巴姬幽蘭奏鄭
女陽春絃共矜紅顏日俱忘白髮年寂寥茂陵
宅照曜未央蟬無以五鼎盛顧嗤三經玄

白馬篇

白馬紫金鞍停鑣過上蘭寄言狹斜子詎知隴
道難赤坂途三折龍堆路九盤氷生肌裏冷風
起骨中寒功名志所急日暮不遑餐長驅入右
地輕舉出樓蘭直去已垂涕寧可望長安匪期
定遠封無羨輕車官唯見恩義重豈覺衣裳單

本持軀命荅幸遇身名完

齊謳行

東秦稱右地川隰固夷昶層峯駕蒼雲濁河流
素壤青丘良杏鬱雪宮信踈敞王佐改殷命霸
功繆周網闕

前緩聲歌

羽人廣宵宴帳集瑤池東開霞泛彩靄澄霧迎
香風龍駕出黃苑帝服起河宮九疑轡煙雨三
山馭螭鴻玉鸞乃排月瑤較信凌空神行燭玄

漢帝旃委曾虹簫歌笑羸女笙吹悅姬童瓊漿
且未洽羽轡已騰空息鳳曾城曲滅景清都中
隆祐集皇代委祚溢華嵩

芳樹

以下二首附謝朓集題云同
沈右率諸公賦鼓吹曲名

發萼九華隈開跗寒露側氤氳非一香參差多
異色宿昔寒飈舉摧殘不可識霜雪交橫至對
之長歎息

臨高臺

高臺不可望望遠使人愁連山無斷絕河水復

悠悠所思竟一作暖何在洛陽南陌頭可望不可見何用解人憂

洛陽道

洛陽大道中佳麗實無比燕裙傷日開趙帶隨

風靡領上蒲萄繡腰中合歡綺合歡綺今之脅衣也隋煬帝詩

實祿楚宮腰崔豹古今注謂之腰絲佳人殊未來薄暮空徙倚

江南曲

櫂歌發江潭采蓮渡湘南宜一作莫須閒隱處舟

浦予自諳羅衣織成帶墮馬碧玉簪但令舟楫

渡寧計路蕲嵌一作嵌

東武吟行

天德深且曠人壘賤而浮東枝纔拂景西壑已

停輶逝辭金門寵去飲玉池流宵轡絕一作永

矣俗累從此休

怨歌行

時屯寧易犯俗險信難羣坎壈元泚賦頓挫敬

通文遽淪班姬寵夔寔賈生墳短俗同如此長

歎欲何云

沈隱侯集卷三

悲哉行

旅遊媚季昔年春媚遊人徐光旦坐彩和露曉
凝津時嚶起稚葉蕙氣動初蘋一朝阻舊園萬
里隔良辰

雜曲三首

攜手曲

捨轡下雕輅更衣奉玉牀斜一作簪映秋水開
鏡比春粧所畏紅顏促君恩不可長鵷冠且容
哀豈吝桂枝亡

有所思

西征登隴首東望不見家關樹抽紫葉塞草發
青芽昆明當欲滿蒲萄應作花垂淚對漢使因
書寄狹斜

夜夜曲二首

河漢縱且橫北斗橫復直星漢空如此寧知心
所一作憶孤燈暖不明寒機曉猶織零淚向誰
道鷄鳴徒歎息

北井闌干去夜夜心獨傷月輝橫射枕燈光半

隱牀

釣竿

桂舟既容與綠浦復回紆輕絲動弱芰微楫起
單鳧扣舷忘日暮卒歲以爲娛

臨碣石

碣石送返潮登采禮朝日溟漲無端倪山島玄
崇崒驥老心未窮爾恩豈終畢

湘夫人

瀟湘風已息沅澧復安流揚蛾一含睇嫵媚好

且脩捐玦置澧浦解珮寄中洲

貞女引

貞女信無矯傍鄰也見疑輕生本非惜賤軀良
足悲傳芳託嘉樹弦歌寄好詞

襄陽蹋銅鞮歌三首

一云白銅鞮歌

分手桃林岸送別峴山頭若欲寄音信漢水向
東流

生長宛水上從事襄陽城一朝遇神武奮翼起
先鳴

沈隱侯集 卷二
蹀鞞飛塵起左右自生光男兒得富貴何必在
歸鄉

永明樂

聯翩貴遊子侈靡千金客華轂起飛塵珠履竟
長陌

江南弄四首

趙瑟曲

文苑英華作元帝
今從樂府作沈約

邯鄲奇弄出文梓繁絃急調切淚徵玄鶴徘徊
白雲起白雲起鬱披香離復合曲未央

秦箏曲

羅袖飄纚拂雕桐促柱高張散輕宮迎歌度舞
遏歸風遏歸風止流月壽萬春歡無歇

陽春曲

楊柳垂地鶯登池緘情忍思落容儀弦傷曲怨
心自知心自知人不見動羅裙拂珠殿

朝雲曲

陽臺氤氳多異色巫山高高上無極雲來雲去
常不息常不息夢來遊極萬世度千秋

樂未央

億舜日萬堯年詠湛露歌採蓮願雜百和氣宛
轉金鑪前

四時白紵歌五首

春白紵

蘭葉參差桃半紅飛芳舞縠戲春風如嬌如怨
狀不同含笑流眄滿堂中翡翠羣飛飛不息願
在雲間長比翼佩服瑤艸駐容色舜日堯年歡
無極

夏白紵

英華作梁武帝今
從樂府作沈約

朱允灼爍照佳人含情送意遙相親嫣然一作
宛轉亂心神非子之故欲誰因翡翠羣飛飛不
息願在雲間長比翼佩服瑤草駐容色舜日堯
年懽無極

秋白紵

白露欲凝草已黃金瑄玉柱響洞房雙心一影
一作俱徊翔吐情寄君君莫忘翡翠羣飛飛不
息願在雲間長比翼佩服瑤草駐容色舜日堯

李懽無極

冬白紵

寒閨晝寢羅幌垂婉容麗色心相知
覆去覆還
誓不移長袞拂面爲君施翡翠羣飛飛不息願
在雲間長比翼佩服瑤草駐容色舜日堯年懽
無極

夜白紵

秦箏齊瑟燕趙女一朝得意心相許
明月如規
方麓予夜長未央歌白紵翡翠羣飛飛不息願

在雲間長比翼佩服瑤艸駐容色舜日堯年懽
無極

五音曲

宮引

八音資始君五聲興比和樂感百精優游律呂
被咸英

商引

司籥紀允奏西音激揚鐘石鼓瑟琴風流福被
樂愔愔

角引

萌生觸發歲在春咸池始奏德尚仁恣憑以息
和且均

徵引

執衡司事宅離方滔滔夏日火德昌八音備舉
樂無疆

羽引

玄英紀運冬冰折物為音本和且悅窮高測深
長無絕

詩

侍皇太子釋奠宴

尊學尚矣道亦遐哉啓圖觀祕闕苑興才事高
東序義邁雲臺峨峨德傳灼灼英台復禮曲臺
反樂宣榭闕文內舉輶軒外駕結芻千里從師
百舍墜典必脩闕祀咸薦迴鸞獻爵擬金委奠
肆士辨儀胥人掌縣髣髴神蹤徘徊靈睠

為南郡王侍皇太子釋奠宴二首

陵季相浴訓隨世殆政缺雅乖風漓化改禮亡

沈隱居集卷二
枉席樂沈河海三雍靡構四教誰采瞻震竝峻
義屬重麗橫書清道晦彼生知

義重師匡業貴虛受襄野順風西河杜帚表跡
虧光降情迴首道御百靈神行萬有尊學尚矣
繼列傳徽旗章或舛茲道莫違自堂及室異軫
同歸洋洋聖範楚楚儒衣

三日侍鳳光殿曲水宴應制

允遲蕙畝氣婉椒臺皇心愛矣帝曰遊哉玉鸞
徐驚一作翠鳳輕迴別殿廣臨離宮洞啓川祗

奉壽河宗相禮清洛漸筵長伊流陞洄盪嘉羞
搖漾芳醴輕歌易繞弱舞難持素雲留管玄鶴
停絲引思爲歲歲亦陽止叨服賁身身亦昌止
徒勤丹漆終愧文梓

爲臨川王九日侍太子宴

涼風北起高鴈南翻葉浮楚水草折梁園淒清
霜野惆悵晨鷗雲輕寒樹日麗秋原三金廣設
六羽高陳寒英始獻涼酎初醇靡靡神襟鏘鏘
群彥思媚儲猷洽和奉宴恩暢蘭席歡同桂殿

景遽樂推臨風以眷麗景天枝位非德舉任伍
辰階祚均河楚負岳未勝瞻雲難侶望古典惕
心焉載佇

九日侍宴樂遊苑

憑王宅海端宸御天止流飛壑靜震騰川凝神
貫一作賁極擣道漏泉西袞委衽南風在絃暮芝
始綠年桂初丹上林葉下滄池水寒霜霑玉樹
鴈動輕瀾停蹕玉陛徒衛璿墀瑀箱鳳綵羽蓋
鸞姿虹旌迢遞翠華歲黹禮弘灞汭義高洛湄

從齊武帝瑯琊城講武應詔

九功播桃墀七德陳武懸展事昌國圖息兵由
重戰皇情咨閱典出車迨辰選飾徒映寒隰翻
綏臨廣甸颯沓佩吳戈參差翬夏箭風旆舒復
卷雲霞清似轉輕舞信徘徊前歌且遙衍秋原
嘶代馬朱允浮楚練虹壑寫飛文巖阿藻餘絢
發震岳靈從揚旌水華變憑高訓武則中天起
遐眷鳳蓋捲洪河珠旗掃集作拂長汧方待翠華
舉遠適瑤池宴

三日侍林光殿曲水宴應制

宴鎬鏘玉鑿遊汾舉仙輶榮光泛彩旄修風動
芝蓋泝氣婉登晨天行聳雲旆帳殿臨春藥帷
宮繞芳薈漸席周羽觴分墀引迴瀨穆穆玄化
升濟濟皇階泰將御遺風軫遠侍瑤臺會

侍宴樂遊苑餞呂僧珍應詔

丹浦非樂戰負重切君臨我皇秉志德忘已用
堯心愍茲區宇內魚鳥失飛沈推轂二嶠道揚
旆九河陰超乘盡三屬選士皆百金戎車出細

柳餞席遵

一作尊

上林命師誅後服授律緩前禽

亟輟方解帶曉武稍披襟伐罪芒山曲弔民伊
水潯將陪告成禮待此未抽簪

正陽堂宴勞凱旋

凱入同高宴飲至均多祐昔往歌采薇今來歡
杖杜善戰惟我皇勝之不窺戶推轂授神謨餘
壯終能賈浩湯金罍溢周流玉觴溥

遊鍾山詩應西陽王教

靈山紀地惠地險

文選作險峭

資岳靈終南表秦觀

少室邈王城翠鳳翔淮海衿帶遶神垆北阜何其峻林薄杳蔥青其一發地多奇嶺干雲非一狀合沓共隱天參差互相望鬱律構丹巘峻嶒起青嶂勢隨九疑高氣與三山壯其二卽事旣多美臨眺殊復奇南瞻儲胥觀西望昆明池山中咸可悅賞逐四時移春光發隴首秋風生桂枝其三多值息心侶結架山之足八解鳴澗流四禪隱巖曲窈冥終不見蕭條無可欲所願從之遊寸心於此足其四君王挺逸趣羽旆臨崇基白雲隨

玉趾青霞雜桂旗淹畱訪五藥顧步佇三芝於焉仰鑣駕歲暮以爲期其五

登高望春

登高眺京洛街巷紛漠漠迴首望長安城闕鬱盤桓日出照鈿黛風過動羅紈齊童躡珠履趙女揚翠翰春風搖雜樹歲蕤綠且丹寶瑟玫瑰柱金羈玳瑁鞍淹留宿下蔡置酒過上蘭解睂還復斂方知巧笑難佳期空靡靡含睇未成歡嘉客不可見因君寄長歎

游金華山

遠策追夙心靈山協久嬰天倪臨紫闕地道通
丹竅未乘琴高鯉且縱嚴陵釣若蒙羽駕迎得
奉金書召高馳入閭闔方睹靈妃笑

劉藝文作留真人東山還

連峰竟無已積翠遠微微窠炭野風急芸黃秋
草腓我來歲云暮於此悵懷歸霜雪方共下寧
止露霑衣待余兩岐秀去去拚柴扉

登玄暢樓

危峯帶北阜高頂一作圓出南岑中有陵風榭迴
望川之陰岸險每增減湍平互淺深水流本三
派臺高乃四臨上有離羣客客有慕歸心落暉
映長浦煥景燭中潄雲生嶺乍黑日下溪半陰
信美非吾土何事不抽簪

酬謝宣城眺集云調宣城眺卧疾

王喬飛鳧鳥東方金馬門從官非宦侶避世非
避諠揆予發皇鑒一作覽短翮屢飛翻晨趨朝一作
游建禮晚沐臥郊園賓至下塵榻憂來命綠尊

汾隱集
卷二
新
管賢侔時雨今守馥蘭蓀神交疲夢寐路遠隔
思存牽拙謬東汜浮情及西岷顧循良菲薄何
以儼璵璠將隨渤澥去刷羽汎清源

新安江至清淺深見底貽京邑遊好

眷言訪舟客茲川信可珍洞徹隨清淺皎鏡無
冬春千仞寫喬樹百丈見遊鱗滄浪有時濁清
濟涸無津豈若乘斯去俯映石磷磷紛吾隔蹕
滓寧假濯衣巾願以潺湲水霑君纓上塵

送別友人

外編作任
昉者非

君東我亦西銜悲涕如霰浮雲一南北何由展
言宴方作異鄉人贈子同心扇遙裔發海鴻連
翻出簷燕春秋更去來參差不相見

去東陽與吏民別

微薄叨今幸忝荷非管期唐風豈異世欽明重
在茲飾驂去關輔分竹入河淇下車如昨日曳
組忽彌暮霜載凋秋草風三動春旗無以招卧
轍寧望後相思

早發定山

夙齡愛遠壑晚蒞見奇山標峰綵虹外置嶺白
雲間傾壁忽斜豎絕頂復孤圓歸海流漫漫出
浦水濺濺野棠開未落山櫻發欲然忘歸屬蘭
社懷祿寄芳筌眷言採三秀徘徊望九仙

循役朱方道路

分繻出帝京升裝奉皇穆洞野屬滄溟聯郊溯
河服日映青丘島塵起邯鄲陸江移林岸微巖
溪烟岫複歲巖摧磴草午寒散嶠木縈蔚夕飈
卷蹉跎晚雲伏霞志非易從旌軀信難牧豈慕

淄宮梧方辭兔園竹羈心亦何言迷蹤庶能復

和竟陵王遊仙詩二首

王融范雲同賦

天一作矯乘絳仙螭衣方陸離玉鑿隱雲
霧溶溶紛上馳瑤臺風不息赤水正漣漪崢嶸

玄圃上聊攀瓊樹枝

朝止閭闔宮暮宴清都闕騰蓋隱一作擁奔星低

鑿避行月九疑紛相從虹旌乍升沒青鳥去復
還高唐雲不歇若華有餘照淹留且晞髮

遊沈道士館

秦皇御宇宙漢帝恢武功歡娛人壺一作盡情

性猶未充銳意三山上托慕九霄中既表祈年

觀復立望仙宮寧為心好道直由意無窮曰余

知止足是願不須豐遇可淹留處俊欲息微躬

山嶂遠重疊竹樹近蒙籠開襟濯寒水解帶臨

清風所累非外物為念在玄空一作明來握石

髓賓至駕輕一作飛鴻都令人徑絕惟使雲路通

一舉陵倒景無事適華嵩寄言賞心客歲暮爾

來同

爾華陽陶先生

三清未可覲一氣且空存所願迴光景拯難拔

危魂若蒙丸丹贈豈懼六龍奔

還園宅奉酬華陽先生

早欲尋名山期待婚嫁畢二事雖云已此外復

非一忽聞龍圖至仍覩榮光溢副朝首八元開

壤賦千室冠纓曾弗露風雨未嘗櫛鳴玉響洞

門金蟬映朝日慙穠小人報徒叨令尹秩豈忘

平生懷靡盬不遑恤

泖隱齋集 卷三
華陽先生登樓不復下贈呈

側聞上士說尺木乃騰霄雲駢不展地仙居多
麗樵臥待三芝秀坐對百神朝銜書必青鳥佳
客信龍鑣非止靈桃實方見大椿凋

奉華陽王外兵

餐玉駐年齡吞霞反容質眇識青丘樹迴見扶
桑日爛煬蜃雲舒嶽崆山海出

赤松澗

松子排煙去英靈眇難測惟有清澗流潺湲終

不息神丹在茲化雲輶於此陟願受金液方片
言生羽翼渴就華池飲飢向朝霞食何時當來
還延佇青巖側

八關齋

因戒倦輪飄習障從塵染四衢道難闢八正扉
猶掩得理未易期失路方知險迷塗旣已復豁
悟非無漸

古意

挾瑟叢臺下徙倚憂容光佇立日已暮戚戚苦

人腸路葵已堪摘洪水未沾裳錦衾無獸暖羅衣空自香明月雖外照寧知心內傷

少年新婚爲之詠

山陰柳家女薄言出田墅丰容好姿顏俊僻巧言語腰肢旣軟弱衣服亦華楚紅輪映早寒盡扇迎初暑錦履竝花紋繡帶同心苙羅襦金薄厠雲鬢花釵舉我情已鬱紆何用表崎嶇託意睂間黛申心口上朱莫爭三春價坐喪千金軀盈尺青銅鏡徑寸合浦珠無因達往意欲寄震

飛鳧裾開見玉趾衫薄映凝膚羞言趙飛燕笑殺秦羅敷自顧雖悴薄冠蓋曜城隅高門劓騶駕廣路從驪駒何慚鹿盧劔詎減府中趨還家問鄉里詎堪持作夫

古人稱妻爲鄉里南史張彪傳曰我不忍令鄉里落

他處

夢見美人

夜聞長歎息知君心有憶果自閭闔開魂交覩顏玉臺作容色旣薦巫山枕又奉齊睂食立望復橫陳忽覺非在側那知神傷者潺湲淚沾臆

直學省愁臥

秋風吹廣陌蕭瑟入南闌愁人掩軒臥高牕時
動扉虛館清陰滿神宇曖微微網蟲垂戶織夕
鳥傷欄飛纓珮空爲忝江海事多違山中有桂
樹歲暮可言歸

休沐寄懷

雖云萬重顛所翫終一作惟一丘塔堦幸自足安
事遠遨遊臨池清潏暑開幌望高秋園禽與時
變蘭根應節抽憑軒搴木末坐堂對水周紫籜

開綠篠白鳥映青囑艾葉彌南浦荷花遶北樓
送日隱層閣引月入輕幃爨熟寒蔬剪賓來春
蟻浮來往旣云勸光景爲誰留

宿東園

陳王鬪鷄道安仁採樵路東郊豈異昔聊可閒
余步野徑旣盤紆荒阡亦交互槿籬疎復密荆
扉新且故對頂鳴風飈艸根積霜露驚麇去不
息征鳥時相顧茅棟嘯愁鴟平岡忝寒兔夕陰
帶層阜長烟引輕素飛光忽我適豈止歲云暮

若蒙西山藥頽齡倘能度

行園

見謝宣
城集

寒瓜方卧壠秋菰亦滿陂
紫茄紛爛熳綠芋鬱
參差初菘向堪把時韭日離離
高黎有繁實何
減萬年枝荒渠集野鴈安用昆明池

和左丞庾杲之移病

歲暮豈云聊參差憂與疾匪澣孰能賜持身固
無迷握蘭空盈把待漏終不溢
颯喧滿眼前簿
領紛盈膝安用談天辯徒勞夢賜筆挂冠若東

都山林寧復出

和竟陵王抄書

教微因弛轡維峻屬貞期義乖良未遠斯文煥
在茲超河綜絕禮冠楚綴淪詩披滕辨蠹冊酌
醴訪深疑澄流黜往性泛略引前滋漢壁含遺
篆名山多逸詞綠編方委閣素簡日盈軸空幸
參鴛鷺比秀恧瓊芝挹流旣知廣復道還自嗤

奉和竟陵王郡縣名

王融范
雲同賦

西都富軒冕南宮溢才彥高闕連朱雉方渠漸

游殿廣川肆河濟長岑繞嶠汧曲梁濟危渚平
臯騁悠眇青淵皎澄徹曾山鬱葱蒨陽泉濯春
藻陰丘聚寒霰西華不可留東兗促奔箭望都
遊子懷臨戎征馬倦旣豫平臺集復齒南皮宴
一窺長安城羞言杜陵掾

奉和竟陵王藥名

丹艸秀朱翹重臺架危岳木蘭露易飲射干枝
可結陽隰採辛夷寒山望積雪玉泉亟周流雲
華乍明滅合歡葉暮捲爵林聲疫切垂景迫連
桑思僂慕雲埒荆實剖丹瓶龍芻汧奔血照握
乃夜光盈車非玉屑細柳空歲蕤水萍終委絕
黃符若可挹長生永昭哲

和陸慧曉百姓名

建都望淮海樹闕表衡稽井幹風雲出柏梁星
漢齊皇王臨萬宇惠化覃黔勅吉士服仁義宿
昔秉華圭庸賢起幽谷欽言非象犀端委康國
步偃息召邦攜舉政方分策易紀粲金泥伊余
沐嘉幸由是別遠畦曾微涓露荅光景遂云西

方隨煉丹子薄暮矯行迷

三月三日率爾成篇

麗日屬元巳年芳具在斯
開花已匝樹流鸚復
滿枝洛陽繁華子長安
輕薄兒東出千金堰西
臨鴈鶩陂遊絲應空轉
高楊拂地垂綠幘文照
耀紫燕光陸離清晨戲
伊水薄暮宿蘭池象筵
鳴窻瑟金瓶泛羽卮
寧憶春蠶起日暮桑欲萎
長袂屢已拂彫胡方自
炊爨而不可見宿管減
容儀且當忘情去歎息
獨何爲

紅微與明鏡二物本相親
用持施點盡不照誰
居人往來在照一
復還空塵塵生不復拂蓬
首對河津冬夜寒如此
寧遠道陽春初商忽云
至暫得奉衣中施衿已
成故每聚忽如新
應王中丞思遠咏月

滿枝洛陽繁華子長安輕薄兒東出千金堰西
臨鴈鶩陂遊絲應空轉高楊拂地垂綠幘文照
耀紫燕光陰難消晨妝伊水暮宿蘭池象筵
鳴窻愁金瓶泛列后寤憶未識起日暮桑欲萎
長袂屢已拂彫胡方自炊爨而不可見宿管城
容儀且當忘情去莫負何為

織女贈牽牛

紅妝與明鏡二物本相親用持施點畫不照離
居人往秋雖一照一照復還塵塵生不復拂蓬
首對河津冬夜寒如此寧遽道陽春初商忽云
至暫得奉衣巾施衿已成故每聚忽如新

應王中丞思遠咏月

月華臨靜夜夜靜滅氛埃方暉竟戶入圓影隙
中來高樓切思嬾西園遊上才網軒映珠一作
綴應門照綠苔洞房殊未曉清光信悠哉

和王中書德充咏白雲

白雲自帝鄉氛氳屢迴沒蔽虧崑山樹含吐瑤
臺月秋風西北起飄我過城闕城闕已參差白
雲復離離皦潔在天漢倒影入華池將過丹丘
野時至碧林垂九重迎飛燕萬里送翔螭

咏雪應令

思鳥聚寒蘆蒼雲軫暮色夜雪合且離曉風驚
復息嬋娟入綺牕徘徊驚情極弱桂不勝枝輕
飛屢低翼玉山聊可望瑤池豈難卽

和劉雍州繪博山香鑪

範金誠可則摛思必良工凝芳俟朱燎先鑄管
山銅瓌姿信崿嶸奇態實玲瓏峯嶝互相拒岩
岫杳無窮赤松遊其上斂足御輕鴻蛟螭盤其
下驤首盼曾穹嶺側多奇樹或孤或複叢巖間
有佚女垂袂似含風翬飛若未已虎視鬱餘雄
登山起重障左右引絲桐百和清夜吐蘭烟四
面充如彼崇朝氣觸石繞華嵩

咏湖中鴈

白水滿春塘旅鴈每迴翔
一作牽弱藻斂
唼萍
翮帶餘霜羣浮動輕浪
單汎逐孤光懸飛竟不
下亂起未成行刷羽同
搖漾一舉還故鄉

冬節後至丞相第詣世子車中作

廉公失權勢門館有虛盈
賢賤猶如此况乃曲池
平高車塵未滅珠履故
餘聲賓階綠錢滿客位
紫苔生誰當九原上鬱
鬱望佳城

奉和竟陵王經劉瓛墓

表閭欽逸軌軼墓禮真魂
化塗終眇默神理曠

猶存塵經

一作駕

未輟幌高衡已委門日
蕪子雲

舍徒望董生園華陰無
遺布楚席有靈樽玄泉
倘能慰長夜且勿論

悼亡

一作悼往

去秋三五月今秋還照梁

一作房

今春蘭蕙草來

春復吐芳悲哉人道異
一謝永銷亡簾屏既毀

撤

一作屏筵

帷席更施張游塵掩虛
座孤帳覆

空牀萬事無不盡徒令
存者傷

侍遊方山應詔

清漢夜昭晷扶桑曉陸離發歌擬陽下一作發

下建羽朝夕池擬金浮水若聳蹕詔山祗一露

九霄露藜藿終自知

樂將殫恩未已應詔

淒鏘笙管適參差舞行亂輕肩既屢舉長巾亦
徐換雲鬢垂寶花輕妝染微汗羣臣醉又飽聖
恩猶未半

泛永康江

長枝萌紫葉清源泛綠苔山沓浮水至春色犯

寒來臨睨信永矣望美陵悠哉寄言幽閨妾羅
衷勿空裁

餞謝文學離夜

瀟池水如帶巫山雲似蓋
瀨一望沮漳水
空思江海會
以我徑寸心
從君千里外

別范安成

生平少年日分手易前期及爾同衰暮非復別
離時勿言一樽酒
明圓難重持
夢中不識路何

以慰相思

效古

可憐桂樹枝單雄憶故雌歲暮異梅宿春至猶
別離山河隔長路路遠絕容儀豈云無可玉臺作我
匹寸心終不移

庭雨應詔

出空寧可圖入庭倍難賦非烟復非雲如絲復
如霧霏霏裁欲垂霏微不能注雖無千金質聊
為一辰翹

初春

夾一作扶道覓陽春相將共攜手草色猶自腓林
中都未有無事逐梅花空教信楊柳且復共歸
來含情寄杯酒

春思

一作春詠

楊柳亂如絲綺羅不自持春草黃復綠客心傷
此時青苔已結洧碧水復盈淇日華照趙瑟風
色動燕姬襟前萬行淚故是一相思

傷春

沈隱侯集卷三
弱草半抽黃輕條未全綠年芳被禁籞烟花繞
層回寒苔卷復舒冬泉斷方續早花散疑金初
露泫成玉

秋夜

月落宵向分紫煙鬱氛氲暄暄螢入霧離離鴈
度雲巴童闇理瑟漢女夜縫裙新知樂如是久
嬰詎相聞

詠箎

古文苑云沈右率
座賦三物爲詠

江南簫管地妙響發孫枝殷勤寄玉指含情舉

復垂雕梁再三繞輕塵四五移曲中有深意丹
誠君詎知

詠竹檳榔盤

梢風有勁質柔用道非一平織方以文穿成圓
且密薦羞雖百品所冀浮天實幸承歡醕餘寧
辭嘉宴畢

簷前竹

萌開籜已坐結葉始成枝繁蔭上翦茸一作鬱鬱促
節下離離風動露滴瀝月照影參差得生君戶

牖不願夾華池

翫庭柳

玉臺作
咏柳

輕陰拂建章夾道連未央因風結復解霑露柔
且長楚妃思欲絕班女淚成行遊人未應去為
此還故鄉

麥李

藝文作
咏李

青玉冠西海碧石彌外區化為中園實其下成
路衢在先良足貴因小邈難逾色潤房陵縹味
奪寒水朱摘持欲以獻尚食且踟躕

咏桃

風來吹葉動風去畏花傷紅英已照灼况復含
日允歌童暗理曲游女夜縫裳詎減當春淚能
斷思人腸

咏青苔

綠苔已漠漠汎水復綿綿微根如欲斷輕絲似
更聯長風隱細草深堂沒綺錢縈鬱無人贈歲
粧徒可憐

十詠二首

領邊繡

纖手製新奇刺作可憐儀
紫絲飛鳳子結縷嗔
蒼兒不聲如動吹無風
自裹枝麗色儻未歇聊
承雲鬢垂

腳下履

丹墀上颯沓玉殿下趨鏘
逆轉珠珮響先表綉
桂香裾開臨舞席褰拂繞
歌堂所歎忘懷妾見
委入羅牀

懷舊詩九首

傷王融

元長秉奇調弱冠慕前蹤
眷言懷祖武一簣墜
成峯途艱行易跌命舛志
難逢折風落迅羽流
恨滿青松

傷謝朓

吏部信才傑文峯振奇響
調與金石諧思逐風
雲上豈言陵霜質忽隨
人事往尺璧爾何冤一
旦同丘壤

傷庾杲之

左一作右率馥時譽秀出冠笏僚聳茲千仞氣振
此百尋條蘊藉含文雅散朗溢風飈楸檟一作梧
今已合容範尙昭昭

傷王謚

長史體閑任坦蕩驟外求持身非詭遇應物有
虛舟心從勿好盡形爲懽宴畱歡謨未終畢零
落委山丘

傷虞炎

東南旣擅美洛陽復稱才攜手同歡宴比跡共

遊陪事隨短秀落言歸長夜臺

傷李珪之

少府懷貞節忘軀濟所奉吏道勤不息繁文長
自擁旣闕優孟歌身沒誰爲寵

傷韋景猷

韋叟識前載博物備戎華稅驂止營校淪跡委
泥沙始知庸聽局方悟大音賒

傷劉渢

藝文作佩

處穉無近累天然有勝質蕭瑟負高情耿介懷

沈隱侯集 卷三
秋賓義貴良爲重蘭摧非所恤一罷平生言寧
知携手日

傷胡諧之

豫州懷風範綽然標雅度處約志不渝接廣情
無忤頡頏事刀筆紛綸遞朱素美志同山阿浮
年迫朝露

詠新荷應詔

勿言草卉賤幸宅天池中微根纔出浪短幹未
搖風寧知寸心裏蓄紫復含紅

聽蟬鳴應詔

輕生宅園籟復得棲嘉樹豈敢擅洪枝輕條遭
所遇葉密形易揚風迴響難住

咏笙

彼美實枯枝孤篠定參差鷓雞已啁晰棗下復
林離本期王子宴寧待洛濱吹

咏箏

秦箏吐絕調玉柱揚清曲絃依高張斷聲隨妙
指續徒聞音繞梁寧知顏如玉

詠山榴

靈園同佳稱幽山有奇質停采久彌鮮含華豈
期實長願微名隱無使孤株出

大言應令

隘此大汎庭方知九垓局窮天豈彌指盡地不
容足

細言應令

開館尺捶餘築榭微塵裏蝸角剡州縣毫端建
朝市

咏餘雪

陰庭覆素芷南階褰綠施玉臺新落構青山已
半虧

詠帳

甲帳垂和壁螭雲張桂宮隋珠旣吐曜翠被復
含風

侍宴咏反舌

假容不足觀遺音猶可薦幸蒙喬樹恩得以聞
高殿

寒松

峭聳振寒聲青葱標暮色疎葉望嶺齊喬榦臨雲直

詠孤桐

龍門百尺時一作峙排雲少孤立分根蔭玉池欲

待高鸞集

詠梧桐

秋還遽已落春曉猶未萸微葉雖可賤一剪或成珪

園橘

綠葉迎露滋朱苞待霜潤但令入玉枰金衣非所恡

詠黎應詔

大谷來既重岷山道又難摧折非所恡但令入玉盤

西地黎

詩彙作簡文者非

削茂河陽苑蓄紫濫觴隈翻黃秋沃若落素春徘徊

詠芙蓉

微風搖紫葉輕露拂朱房中池所以綠待我泛紅光

詠杜若

生在窮絕地豈與壺相親不顧逢采擷本欲芳

幽人

詠鹿葱

灌畦暇語曰約以佐命勳位冠梁朝晚年新進用事者忌其固位取約所為鹿葱詩乘間以白武帝帝不能堪未幾得道士赤章事遂大發怒約以憂死身處嫌疑之地而口陳形迹之語加以媒孽構於其旁欲無及得乎

野馬不任騎兔絲不任一作織既非中野花豈

堪麇麇食

一作爾非草與蒿豈供麇鹿食

甘蕉

抽葉固盈丈擢本信兼圍流甘揜椰實弱縷冠

絺衣

詠菰

結根布洲渚垂葉滿臯澤匹彼露葵羹可以畱上客

早行逢故人車中為贈

沈隱侯集 卷三
殘朱猶曉曉餘粉尚霏霏昨宵何處宿今晨拂
露歸

為鄰人有懷不至

影逐衰月來香隨遠風入言是定知非欲笑翻
成泣

四城門

六龍既驚軫二鼠復馳光衰齡難慎輔暮質易
凋傷

和劉中書仙詩二首

清旦發玄洲日暮宿丹丘崑山西北映遊泉東
南流霓裳拂流電雲車委輕霰崢嶸上不覩寥
廓下無見
殊庭不可及風燂多異色霞衣不待縫雲錦不
須織

華山館為因家營功德

沐芳禱靈岳誓首恭上玄帝咎祈萬壽臣今請
億年丹方緘洞府河清時一傳錦書飛雲字玉
簡黃金編

沈隱侯集 卷三
和王衛軍解講

妙輪輟往駕寶樹未開音甘露爲誰演得一標
道心眇眇玄塗曠高義總成林七花屏塵相八
解濯芳襟

侍宴謝朓宅餞東歸應制

皇情悵東舳羽旆拂南廛夏雲清朝景秋風揚
早蟬飲和陪下席論道光上筵

酬孔通直過懷蓬居

閶闔既洞啓龍樓亦高闕兩宮集鸞步二闕引

通籍伊爾事清途紛吾供賤役

石塘瀨聽猿

噉噉夜猿鳴溶溶晨霧合不知聲遠近惟見山
重沓旣歡東嶺唱復佇西巖峇

出重圍和傅昭

魯連揚一策陳平出六奇邯鄲風雨散白登烟
霧維排雲出九地陵定振五卮

秋晨羈怨望海思歸

分空臨澥霧披遠望滄流八桂曉如畫三桑眇

沈隱侯集 卷三
若浮烟極希丹水月遠望青丘

侍宴樂游苑餞徐州刺史應詔

丘遲同賦

沃若動龍驂參差凝鳳管金塘草未合玉池泉
將滿

憩郊園和約法師採藥

郃外三千畝欲以貿朝饘繁蔬既綺布密果亦
星懸

上巳華光殿

於維盛世卽軒媯朝豐宴鎬復在斯朝光灼爍

映蘭池春風婉轉入細枝時鸞顧慕聲合離輕
波微動漾羽卮河宗海若生蛟螭浮梁徑度跨
迴漪朱顏始洽景將移安得壯士駐奔曦

六憶詩四首

憶來時灼灼上堦墀勤勤敘別離慊慊道相思
相看常不足相見乃忘飢

憶坐時點點羅帳前或歌四五曲或弄兩三弦
笑時應無比嗔時更可憐

憶食時臨盤動容色欲坐復羞坐欲食復羞食

含哺如不飢
擎甌似無力
憶眠時人眠
彊未眠解羅
不待勸就枕
更須牽
復恐傷人見
嬌羞在燭前

八詠詩

金華誌曰八詠詩南齊隆昌元年太守沈約所作題於玄暢樓時號

登樓望秋月

望秋月秋月光如練
照曜三爵臺徘徊九華殿
九華玳瑁梁華棖與壁璫
以茲雕麗色持照明
月光凝華入黼帳清輝懸洞房
先過飛燕戶却

映班姬牀桂宮裊裊落桂枝
早寒淒淒凝白露

上林晚葉颯颯鳴鴈門
早鴻離離度湛秀質兮

似規委清光兮如素照愁軒
之蓬髮影金堦之

輕一作微步居人臨此笑
以歌別客對之傷且慕

經衰圃映寒叢凝清夜
帶秋風隨庭雪以偕素

與池荷而共紅臨玉階
一作堦之皎皎含霜靄之

濛濛轡天衢而徙度
轢長瀟而飛空隱巖崖而

半出隔帷幌而纔通
散朱庭之奕奕入青瑱而

玲瓏寒階悲寡鶴沙洲
怨別鴻文姬泣胡殿昭

沈隱侯集 卷三
君思漢宮余亦何爲者淹留此山東

會圃臨春風

臨春風春風起春榭游絲曉如經一作落花霧
似霧先泛天淵池還過細柳枝蝶逢飛搖颺燕
值羽毳池揚桂旆勤芝蓋開燕裾吹趙帶趙帶
飛參差燕裾合且離迴簪復轉黛顧步憺容儀
容儀已炤灼春風復迴薄氛氲桃李花青跗含
素萼旣爲風所開復爲風所落揉綠蒂抗紫莖
舞春雪雜沍鸞曲房開兮金鋪響金鋪響兮妾

思驚梧臺未陰淇川

水一作

始碧迎行雨於高唐

送歸鴻於碣石經洞房響紈素感幽閨思帷帟
想芳園兮可以游念蘭翹兮漸堪摘拂明鏡之
冬塵解羅衣之秋襖旣鏗鏘以動佩又綢繆而
流射始搖蕩以入閨終徘徊而綠隙鳴珠簾於
繡戶散芳塵於綺席是時悵思歸安能久行役
佳人不在茲春風誰爲惜

歲暮愍衰草

愍衰草衰草無容色憔悴荒逕中寒芟不可識

昔時兮春日
咎日兮春風
銜花兮佩實
垂綠兮散紅
氛氳鳩雛
右照曜望
仙東送歸
顧慕泣淇
水嘉客淹
畱懷上宮
岩陬兮海
岸冰多兮
霰積爛煬
兮客一作岩
根攢幽兮
寓一作石
隙布絲密
於寒臯吐
纖疎於危
石既惆悵
於君子倍
傷心於行
役露縞枝
於初旦霜
紅天於始
夕彫芳卉
之九衢竇
靈茅之三
春風急峭
道難秋至
客衣單既
傷簷下鞠
復悲池上
蘭飄落逐
風盡方知
歲早寒派
螢暗明燭
鴈聲斷纔
續委絕長
信宮蕪

穢丹墀曲霜
奪莖上紫
風銷葉中
綠山變兮
青薇水折
兮黃葦秋
鴻兮疎引
寒鳥兮聚
飛徑荒寒
草合桐長
舊巖圍一作草長
園庭漸蕪
沒霜露日
霑衣願逐
晨征鳥薄
暮共西歸

霜來悲落桐

悲落桐落桐
早霜露燕
至葉未抽
鴻來枝已
素本出龍
門山長枝
仰刺天上
峯百丈絕
下趾萬尋
懸幽根未
蟠結孤株
復危絕初
不照光景
終年負霜
雪自顧無
羽儀不願
生曲池芬
芳本自

沈隱公集 卷三
之華實無所施公子特留盼王孫少見知分取
孤生枿徒置北堂墜宿莖抽晚榦新葉生故枝
故枝雖遼遠新葉頗離離春風一朝至榮華坐
如斯自惟良菲薄君恩徒照灼顧已非嘉樹空
用憑阿閣願作清廟珎爲君舞玄鶴薜荔可爲
裳文杏堪作梁勿言艸木賤徒照君末允末光
不徒照爲君含噉一作陽柯淥水絃陰枝苦
寒調厚意非所任敢不虛其心若逢陽春至吐
綠照清潯

夕行聞夜鶴

聞夜鶴夜鶴叫南池對此孤明月臨風振羽儀
伊吾人之菲薄無賦命之天爵抱跼促之短懷
隨冬春而哀樂愍海上之驚鳥傷雲間之離鶴
離鶴昔未離迴發天北垂忽遇疾風起蹙下昆
明池復畏冬冰合水宿非所宜欲棲不可住欲
去飛已疲勢逐疾風舉求溫向衡楚復值南飛
鴻參差共成侶海上多雲霧蒼茫失洲嶼自此
別故羣獨向瀟湘渚故羣不離散相依江海畔

沈隱侯集 卷三
夜止羽相切晝飛影相亂刷羽共浮沈湛澹泛
清潯既不經離別安知慕侶心九冬負霜雪六
翩非所任且養凌雲翅俛仰弄清音所望浮丘
子旦夕來相尋

晨征聽曉鴻

聽曉鴻曉鴻度將旦跨弱水之微瀾發成山之
遠岸怵春歸之未幾傷此歲之云半出海漲之
蒼茫入雲途之瀰漫無東西之可辨訊遐邇之
能算微咎見於洲渚赴穉期於江漢集勁風於

弱軀負重雪於輕翰寒溪可以飲蒸臯可以竄
溪水徒自清微容豈足翫秋蓬飛兮未極塞州
寒兮無色吳山高兮高難度越水深兮深不可
測羨明月之馳光顧征禽之駛翼伊余馬之屢
懷知君一作吾行之未極一作息夜絲絲而難曉愁

參差而盈臆望山川恣無似唯星河猶可識孤
雁夜南飛客淚夜沾衣春鴻旦暮返客子方未
歸歲去歡娛盡年來容顏衰一作非攬衽形雖是
撫臆事多違青綯一作蒲雖長復易解白雲誠遠

詎難依

解珮去朝市

去朝市朝市深

一作晨

歸暮辭北纓而南徂浮東

川而西顧逢天地之降祥值日月之重光伊吾

行之未已

一作伊當仁之菲薄

非余情之信芳充待詔於

金馬奉高宴於柏梁觀鬪獸於虎圈望窈窕於

披香游西園兮登銅雀攀青璫兮眺重陽講金

華兮議宣室晝武帳兮夕文昌佩甘泉兮履五

祚簪朽指

音詣

兮黻承光託後車兮侍華幄游渤

海兮泛清漳天道有盈缺寒暑遞炎涼一朝賣

玉盃眷眷惜餘香曲池無復處桂枝亦銷亡清

廟徒肅肅西陵久茫茫薄暮余多幸嘉運重來

昌忝稽郡之南尉典千里之光輿別北芒於濁

河戀橫橋於清渭望前軒之早翻對南階之初

卉唯余情之屢傷豈茲焉之能慰眷昔日兮懷

哉歲將暮兮歸去來

被褐守山東

守山東山東萬嶺

一作里

一作

鬱青葱兩溪共一瀉水

潔望如空岸側青莎被巖間丹桂叢上瞻既隱
軫下睇亦溟濛遠林響咆獸近對聒鳴蟲路出

一作帶

若溪右澗

一作泉

吐金華東萬仞倒危石百

丈漙懸淙

一作淙

掣曳瀉流電奔飛似白虹洞井

含清氣漏穴吐飛風玉竇膏滴瀝石乳室空籠

峭嶸塗彌險巖岨步纔通余捨平生之所愛歛

暮年之此逢欲一去而不還悵鄒

一作恨

衣之未

褫揖林壑之清曠事氓俗之紛詭幸帝德之方

升值天綱之未毀既除舊而就新故化民而俗

徙播趙俗以南徂扇齊風以東靡乳雉方可馴
流蝗庶能弭清心矯並濁儉政救民侈秩滿撫
白雲淹畱事芝髓

阻雪連句遙贈和

初昕逸翮舉日昃駑馬疲幽山有桂樹歲暮空

參差

戲作謝惠連體

此詩廣文選題休文作玉臺新詠作簡文帝詩紀又

作庚信未詳孰是姑依文選仍存集中

雜蕊映南庭庭中光景媚可憐枝上花早得春

沈隱侯集 卷三
風意春風復有情拂慢且開楹盈盈開碧煙拂
慢復垂簾偏使紅花散飄揚落眼前眼亦多無
况參差鬱相望珠繩翡翠帷綺幙芙蓉帳香煙
出牕裏落月斜階上日影去遲遲節花咸在茲
桃枝紅若點柳葉亂如絲絲條轉暮光影落暮
光長普燕霍霍舞春心處處揚酒滿心聊足護
枝愁不忘

遊甌山

文苑地部

平子去已久餘風今復追未必遊春草王孫自

不歸路高村反出林長鳥更稀寒雲間石起秋
葉下山飛西河方閱訓詁得解朝衣

沈隱侯集卷之二



大德

